



پروفیسور محسن ہشترودی اسماعیل اوغلو 1286 گونش ایلین دی آپی نین 22 سینده ہشترودی شہرینده دنیا یا گۆز آج دی. ایتیدای پی تحصیلی نی اقدسیه و سیروس مدرسه لرینده آدی و متوسیطه نی دارالفنوندا اوخویوب عالی دانیش سرادان لیسانس درجه سین آدی. سونرا درسین ایدامه سی اوچون اروپا یا گنتدی، سوربون دانیشگاهیندان ریاضی علملر لیسانسی و پاریس دانیشگاهیندان علوم دوکتوراسی آدی. 1315- جی ایلینده وطنه قایدی و علوم دانیشکده سی دانیش سراسیندا تدریسه مشغول اولدو. 1320- جی ایلینده تهران دانیشگاه نی نین اوستادی اولدو.

او فرانسه دیلینده مهارتی واریدی و چوخلی کونفرانس لاردا فرانسه دیلینده صؤحبت ائلیردی. او چوخلی بین الخالق کونگیره لرده او جومله دن: 1950 ده آمریکانین هاروارد دانیشگاهیندا اولان بین الخالق ریاضی کونگیره سی، 1954 ده آمستردامدا، 1958 ده اسکاتلندین ادینبورگوندا و فرانسه ده لانتین دیلی ریاضی

عالیملر نی نین بین الخالق کونگیره سینده شیرکت ائله دی. پروفیسور محسن ہشترودی ایللر بویو کونفرانس لاردا، صؤحبتلرده و پرنسون دانیشگاه نی نین عالی موطالیعه لر انیسیتیتوسوندا، هاروارد دانیشگاهیندا، رومانی علوم آکادمی سینده، پنجاب دانیشگاهی و پوانکاره انیسیتیتوسوندا چوخلی خارجی اوستاد و دانیش جولارا درس وئرمیشدیر. اونون تحقیق لری هندسه ، کلاسیک فضایی هندسه ، دیفرانسیل موعادیله لری ، عددلر نظریه سی ، آنالیز ، مکانیک و جبر زمینہ سینده ای دی. پروفیسور ہشترودی نین یوموشاق طبعی واریدی و اونون شعر مجموعہ سی «سایه» آدیندا چاپ اولوب. اونون چالیشقان بئینی فلسفه و دوشونجه زمینہ سینده ده گوجلو ای دی. اوندان قالان ایک ی «هونر و دانیش» و «دوشونجه دنیا سی» کیتابلاری بو مودعانین شاهیدلریدیر. نهایتده او 1355- جی ایلین شہریور آپی نین 13 ده فانی دنیا یا گۆز یومدو.